

Եէնկիչէրի ոմն արբեալ՝ կալեալ զկին մի ճանապարհի եւ քարչէր զնա բռնութեամբ զի տանիցի ուր եւ կամին. և քաջացեալ կնոջն աղաղակաւ չփոխել քայլ մի ոտին, եւ նա ստէպ ստէպ քարչէր տանջանօք զմեծ ժամս ճակատ առ ճակատ. և իբրեւ ոչ կարէր փրկիլ կինն, սրտապնդեալ՝ իսկոյն հանէ ի բաց զդանակ եէնկիչէրուն և հարու ի փոր նորա, և առ ժամայն սատակէր: Եւ որք զնոյն տեսեալ մնայլն անդ՝ ըմբռնեալ զկինն. նաեւ ընկերք եէնկիչէրուն հասանեն եւ հանեն առ վէզիրն. եւ նա հարցանէր ցկինն: Եւ ասէ կինն. Ե՛ս արարի. եւ ասէ վէզիրն, Զնդէ՞ր: Ասէ կինն. Քարչէր զիս մեծաւ բռնութեամբ տանել ի կամս իւր, և իբրեւ չկարացի յաղթել և փրկել զիս ի ձեռաց նորա, իւրով դանակաւ հարի ի փոր նորա եւ մեռաւ: Եւ վէզիրն առաքեալ արս վասն համեստութեան կնոջն վկայելոյ, թէ կինն այս անպարկեշտ իցէ՝ ընդ նմին և կորիցէ: Եւ այր նորա ասաց. Ո՛վ տէր, եթէ այնպէս իցէ՝ հրամայեա՛ զի կնոջ իմոյ դահիճ ես լիցիմ. և գտանեն զկինն անփնաս: Եւ վէզիրն զգատախազս կնոջն, որ մեռելոյն ընկերք էին, և զնոսս սպան, և զկինն բեհզ զգեստօք¹⁾ խիլայեաց, ետ և բաշխս նմա և արձակեաց: Այսպէս կառավարէր զամենայն և բուռն իշխանութեամբ տիրէր ամենից: Եւ բազում եէնկիչէրաց, զօրուճից եւ օթուրախից զռոճիկն պակասեցուցեալ, եւ զսպահունն նոյնպէս անհամար, քանզի նախ ասէին խո՛ր եւ ծո՛ր սպահն²⁾ յաւելի գոլ, եւ այժմ ժԸՌ լինէր եւ ծո՛րն խ, ծո՛րն Կ, Կո՛րն Ի, մինչ ի Զ. այսպէս պակասեցուցեալ. և զայլս պատմեցաք թէ սպան: Եւ բազումք երկնչէին գալ յայսր և առնուլ զռոճիկն զի մի սպանցին պատճառանօք ինչ: Եւ արկ զձեռն ի

1) սգեստօք.

2) սփահ.